

INUIT ATAQATIGIIT

Inatsisartuni



17. 10.2019

Inatsisartut Suleriaasianni § 37 imm. 1 naapertorlugu Naalakkersuisunut apeqquq imaattoq matumuuna saqqummiuppara.

Naalakkersuisunut apeqquq:

- 1. Inuussutissalerinermik oqartussaaffiup aamma uumasut nakorsaqaqarnerannut oqartussaaffik nunatsinnit tiguneqarnissaa, ingerlanneqarnissaa aamma aningaasalersorneqarnissaa siunertaralugu Naalakkersuisut qanoq suliaasaqarfik pillugu anguniagaqarniarpat?**
- 2. Inuussutissalerinermik oqartussaaffiup aamma uumasut nakorsaqaqarnerannut oqartussaaffiup nunatsit akisussaaffigineqalernissaa pillugu pitsaaqutit ajoqquutaasussallu Naalakkersuisuniit tunngavilersuutigineqartut suuppat?**
- 3. Inuussutissanik oqartussaaffiup nunatsinnit oqartussaaffigineqarluni ingerlanneqalissappat qanoq ingerlatsinikkut aningaasartuutissat nalunaarusiami kingullerni aningaasartuutissatut missingiutigineqartut Naalakkersuisut piviusorsioortutut isigaat?**
- 4. Naalakkersuisut danskit naalagaaffiannut tusarniaasimappat, paasisutissanik pissarsisimappat imaluunniit pappiaqqanik uppernarsaatissanik peqarpat Inuussutissalerinermik oqartussaaffik nunatsinnit tiguneqassagaluarpas EU-mi niueqataanitsinnut innarliisussaasoq?**
- 5. Pisortatigoortumik uppernarsaatissat, Folketing-imi ilaasortat danskit ministeriinut apeqquqtigisimasaat tunngaviginagit taakkualu akisuteqarfigineqarnerat tunngaviginagu Naalakkersuisut paasisutissaateqarpat?**
- 6. Inuussutissalerinermik oqartussaaffiup nunatsinnut nuunneqarnissaa pillugu Naalakkersuisut suliamik ingerlatsinissaannut maanna tunuarsimaarutigisatik erseqqissarlugit tamakkiisumik oqaasertalersorneqarsinnaappat?**
- 7. Naalakkersuisut Inuussutissanik Oqartussaaffiup Uumasullu nakorsaqaqarnerannut tunngasut nunatsinnit akisussaaffigineqarnissaat pillugit danskit naalagaaffiannut**

saaffiginnissuteqarsimava?

8. **Aalisarnermut Piniarnermut Nunalerinermullu Naalakkersuisup Paasissutissanik pisortatigoortunik uppersaatissalimmik naqitatigut uppersarsinnaavaa Inuussutissalerinermik oqartussaaffik nunatsinnit tiguneqarpat EU-mi niueqatigiinnermi nunatta soqutigisaanut innarliissasoq?**
9. **Naalakkersersuisut uppersaatissaqarpat naqissusersinnaallugulu Aalisarnermut Piniarnermut Nunalerinermullu Ataatsimiititaliap Inuussutissalerinermut oqartussaaffiup tiguneqarnissaa pillugu nunap aningaasaqarneranut innarliiniartutut oqaatigineqarneranut tunngavilersuutaasinnaasumik?**
10. **Inuussutissalerinermik oqartussaaffiup aamma uumasut nakorsaqaqarneranut oqartussaaffiup nunatsinnit tiguneqarnissaat pillugu Naalakkersuisut allaanerusunik tamakkiinerusumilluunniit oqaatigisinnaasaminnik pingaarutilinnik ilanngussassaqarpat?**

(Inatsisartuni ilaasortaq Aqqaluaq B. Egede , Inuit Ataqtigiit)

Tunngavilersuut:

Inatsisartuni sulinermi apeqqutit Naalakkersuisunik akineqarnissaat pisariaqartippara, suliassamik ingerlatitseqqinnissannut Naalakkersuisut akissutaat pisariaqartussaammata. Apeqqutinut akissutit pissarsiariniakkakka pingaarutilerujussuupput suliap ingerlateqqinnissaanut. Taamaammat kissaatigaara apeqqutit ullut qulit qaangiutsinnagit akineqarnissaat.